



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

IGREYIDI 12

ISINDEBELE ILIMI LOKUTHOMA LOKWENGEZA (FAL)

IPHEPHA LESIBILI (P2)

FEBHERBARI/MATJHI 2017

IMEMORANDAMU

IMITLOMELO: 70

Imemorandamu le inamakhasi abu-8.

UMHLAHLANDLELA WOKUTSHWAYA UMBUZO 1**ISIGABA A: INOVELA.****Umhlahlandlela wokutshwaya**

1. Nangabe iimpendulo azikanomborwa ngokufaneleko, tshwaya ukuya ngememorandumu.
2. Nangabe ukupeleda kutjhugulula ihlathululo yependulo, ayingatlonylelisa. Nangabe ayiyitjhugululi ihlathululo ayitlonylelisa.
3. Nangabe abahlolwako abakasebenzisi abodzubhula lapho kufanele khona, bangajeziwa.
4. Iimpendulo ezidinga imibono yabafundi, imitlomelo ayinganikelwa ipendulo yaka- IYE/AWA nanyana NGIYAVUMA/ANGIVUMI. Kumele kutjhejwe unobangela nokusekelwa kwependulo kwaphela.
Akunamitlomelo ekumele yabelwe ULIQINISO/AKUSILO IQINISO nanyana IQINISO/UMBONO. Kumele kutjhejwe unobangela nokusekelwa kwependulo kwaphela

UMBUZO 1: UBONAKELE – M Sikosana

- 1.1 1.1.1 Baya eBenoni babuya eSiyabuswa. (2)
- 1.1.2 Ubelethwa kwaNkosi. (2)
- 1.1.3 Wayeqalene nomraro wokuhlunguphazwa nguMahlangu/ Wayetlhagiswa yindodakwakhe uMahlangu. (2)
- 1.1.4 - UNaSilombo wapheze wabulala indodakwakhe uNkosi ngokuyithela ngamanzi abilako. (1)
- UNaSilombo bekadelela abe athuke uMahlangu phambi kwabentwababo, uBafunani noBonakele. (1)
- 1.1.5 Isizinda sesikhathi senovela le sivangile, umtloli usivezele isikhathi sakade nesikhathi sanje.

- Okuveza isikhathi sakade kukobana eSiyabuswa basakha amanzi ngemlanjeni/UBonakele usebenze eplasini leNdiya alusa iinkomo avuna nemasimini.
- Okuveza isikhathi sanje kukobana kuneenkhwelo, uBonakele wakhwela ikoloyi nebhesi nakasuka eSiyabuswa aya eDaveyton/UMahlangu wabona uBonakele ephephandaben/ UNAMndebele wezwa ngomrhatjho bona uBonakele uyokulwa epini yezeendubulo.
(Nezinye iimpendulo ezinembako zizokwamukela nangabe ziveza isizinda sesikhathi). (2)

- 1.1.6 Liqiniso, uBonakele wagcina abethe unogada wemarageni weba namahabhula ngombana angasanayo imali yokuthenga amanye. (2)
- 1.1.7 Umndeni kaThokozani wamkhuthaza bona kuqakathekile ukwakha ikusasa lakhe, naye wagcina athethe isiqunto sokobana akafunde ngamandla ukuze aphumelele kilowo mnyaka kodwana uNaSilombo azange azitshwenye ngokukhuthaza uBafunani bona abuyele esikolweni nekuyinto eyahlangahlanganisa ipilo nekusasa lakhe. (2)
- 1.1.8 - Ngiyazwelana noNaSilombo ngombana bekangasanakudla nemali begodu noBafunani besele ahlongakele, asele nomntwana kaBafunani ogulako.
 - Angizwelani noNaSilombo ngombana nabegade ahlonipha uMahlangu ubengekhe azifumana aqotjhiwe eSiyabuswa emzini kaMahlangu.
 (Enye nenyi ipendulo enembako izokwamukelwa). (2)
- 1.1.9 Isifundo engisifumene ngepilo kaNaSilombo ngesokobana kuqakathekile ukuphatha abanye abantu kuhle ngombana angeze wazi bona ikusasa likupatheleni/pilo livilo iyazombeleza namhlanje ungazifumana usebujameni obuhle kusasa uzifumane usebujameni obumbi/utlhaga.
 (Enye nenyi ipendulo enembako izokwamukelwa). (2)
- 1.2 1.2.1 Wayelindele ukukhwela ibhesi eya eDaveyton lapha ayokufuna khona uBonakele. (1)
- 1.2.2 UBonakele noyise uMahlangu bafuna indawo yokuqatjha/yokuhlala eDaveyton. (2)
- 1.2.3 UMahlangu wathi nakaqeda ukuhlika ibhesi eBenoni nakasalindele ukukhwela enye eya eDaveyton wabotjhwu mapholisa ngombana angakaphathi umazisi. (2)
- 1.2.4 Emva kobana uBonakele athumbe ipi yezeendubulo wathatha uyise nonina waya nabo ekhabo eSiyabuswa, wafumana uNaSilombo wamtjela bona akakhambu/wamqotjha. (1)
- 1.2.5 Ngesikhathi ahlika ibhesi eDaveyton uNduku noSponono bambetha bathi uvela kwantuthu bafuna ukumthintitha ithuli, walahlekelwa yimali egade anayo wasala ngamaranda amabili. (2)
- 1.2.6 Wazithengela amahabhula wawathengisa esiteytjhini, wazifunela ikamuru lokuhlala elokitjhini wagcina azibandulela ukuba mbethi wezeendubulo bewagcina athumbe nepi phakathi kwakhe noDuke Hudson. (2)

- 1.2.7 LIQINISO uNaSilombo azange abe nendaba nakangayi esikolweni/Azange amkhali me nakathoma ukuthandana noThokozani bewagcina sele anomntwana/Nakaqedu ukuba nomntwana azange amkhuthaze bona abuye le esikolweni ayokuragela phambili nefundo. (2)
- 1.2.8 - Siyakholweka ngombana uNaSilombo gade selatlhaga anganakho nokudla angakupha umntwana kaBafunani, njekhe besele afuna ukuzithula umthwalo.
 - Asikholweki ngombana umma ubamba umukhwa ngebukhalini angeze abulala umntwana ngebanga lokobana uyatlhaga, ulinga ngawo woko amandla ukobana ukudla kube khona.
 (Umfundi angayibeka ngeyakhe indlela ezwakalako izakwamukelwa). (2)
- 1.2.9 - Ummoya wenovela le uvangile, kunommoya wokudana lapha uBonakele simbona atshwenyekile ngokuhlunguphazwa nguNaSilombo nekukulapho agcine aziphe inarha/UNaMndebele utshwenyekile uhlala kabuhlangu kodwana akazi bona uzamtholaphi uBonakele/UMahlangu utshwenyekile ngombana utlhagiswa nguNaSilombo ugcina akhambile ayokufuna uBonakele.
 - Ummoya wethabo uyavela lokha uBonakele athabele ukuthumba ipi, nalapha ahlangana khona nababelethi bakhe bewagcina abuye le ekhabo. (2)
- 1.2.10 UBonakele ubekezele ukuze aphumelele, nanyana wayehlunguphazwa nguNaSilombo kodwana wakwazi ukumhlonipha/Wasebenza eNdiyeni arhola imali encani/NakaseDaveyton uNduku banoSponono bamtjhiselko koke agade anakho kodwana wenza iqhinga lokuzithengisela amahabhula ukuze aphumelele/Wabekezelu bewazibandulela ukuba mbethi wezeendubulo wagcina sele aphumelele epilweni ngokuthumba ipi eyayiphakathi kwakhe noDuke Hudson.
 (Umfundi angayibeka ngeyakhe indlela ezwakalako izakwamukelwa). (2)
[18]

IMITLOMELO YESIGABA A: **35**

ISIGABA B: IINDABA EZIFITJHANI

UMBUZO 2: UZANGENZASI – DM Jiyane nabanye

- 2.1 Wende kwaSithole. (1)
- 2.2 UNomoya wayeyokunikela unina isincwada sendodakwakhe basise enyangeni yeMalawi ukuze imenze bona imthobele ezintweni zoke angaphikisani naye. (2)
- 2.3 NguSirarhapoto. (1)
- 2.4 - UNomoya unonile, unesidunu esikhulu.
- Akasebenzi kodwana udla kamnandi.
- Uhlala esithabathabeni sendlu.
(Zimbili iimpendulo kezingehla). (2)
- 2.5 - UNomoya watjhiya kwakhe kumayalayala azange abuthe nakaya ekhabo.
- Watjhiya angakaphekeli indodakwakhe.
- Azange agade uSponono bewakghanywa mamanzi.
(Zimbili iimpendulo kezingehla). (2)
- 2.6 - Uyise kaNomoya umumuntu ozwana neqiniso ngombana wabuza uNomoya bona kubayini akhamba yedwa nakayokuvakatjha kwabo.

- Unina kaNomoya akasimumuntu oneqiniso ngombana wafihlela uyise kaNomoya bona kubayini abuye msinya kangaka ukuzobavakatjhela godu.
(Enye nenyi ipendulo enembako izokwamukelwa) (2)
- 2.7 AKUSILO IQINISO ngombana watjela uNomoya bona ebe isincwada sendodakhe khona bazokusisa enyangeni. Lokho kukhombisa bona umfundisa umukghwa omumbi wokobana aloye indodakwakhe. (2)
- 2.8 Umtloli bekanqophe bona uNomoya banonina bavele tjhatjhalazi kikho koke egade bahlele ukukwenza ngoTjhejeni begodu bathole iswazi elibuhlungu ngesenzo sabesi. (2)
- 2.9 - Bengizokuqotha uNomoya nonina emzinami ngombana basiboneko esimbi emphakathini.
- Bengizokubiza amapholisa bona azobabopha.
- Bengizokuthatha koke okungekwami ngibatjhiye ngikhambe.
(Enye nenyi ipendulo enembako izokwamukelwa). (2)
- 2.10 Indatjana le iphetheke ngesiphetho-phekghu ngombana besingakalindeli bona uSponono uzokuvelelwa yingozi/Besingakalindeli bona uNomoya banonina bebangagcina bangakaphumeleli ukuya enyangeni.
- Indatjana le iphetheke ngesiphetho esilindelweko ngombana nawenza izinto ezingakalungi ugcina uvele tjhatjhalazi, uNomoya nonina bagcina bavele tjhatjhalazi kuyise bona bayaloya. (2)

UMBUZO 3: UZANGENZANI – DM Jiyana nabanye

IMALI YABANTABAMI

- 3.1 Bekaya kwaNghodela ayokufuna imali ayikolodwa nguNghodela. (1)
- 3.2 Isizathu esenza bona uNghodela abawe indodanakhe bona imphekellele kwaMabhena ngesokobana afuna bona ayokuba ngufakazakhe kusasa begodu amsize nokuphaphatha izandla nabafika kwaMabhena. (2)
- 3.3 Isizathu ngesokobana uNghodela bekathi nakalinga ukubuthelela imali kuvele okhunye bese uyayikghephula avale ibangelo. (2)
- 3.4 Simveza amlingisi onekani ngombana azange abalalele nabamkhilimako/Simveza amlingisi odelelako ngombana uNghodela uyindoda elingana noyise bekungakafaneli amthamthe ngaleyenda. (Enye nenyi ipendulo enembako izokwamukelwa). (2)
- 3.5 Unobangela kukobana uNghodela nendodanakhe bathi basese sendleleni bahlangana nomntwana athunywe nguBhuda bona azokubiza uNghodela msinyana, baphambukela khona ngobunjalo-ke. (2)
- 3.6 AKUSILO IQINISO; uNghodela warareka lokha nakafika kwaMabhena abona indodana yakhona uKanabo ibasola ngokubulala uyise/nakezwa bona uMabhena uhlongakele. (2)
- 3.7 Umqopho womtloli kukobana uBhuda azokwazi ukuhlathululela amapholisa nomndeni kaNghodela ngokwenzakeleko esehlakalweni sokubulalana kwamadoda amabili la. (2)
- 3.8 Bengingaya emapholiseni ngiyombophisa/Bengingayomtlarhela ekhotho etjheja abantu abakolodanako. (Enye nenyi ipendulo enembako izokwamukelwa). (2)
- 3.9 Umtloli usethulela isifundo sokobana nasibabantu kufanele singawalazeli izinto. UKanabo bekufanale bona athole iqiniso lalokho okuvelele uyise ngaphambi kobana azibuyiselele/Umtloli usethulela isifundo sokobana singakolodani isikhathi eside ngombana uNghodela uhlezi khulu nemali kaMabhena. (Enye nenyi ipendulo enembako izokwamukelwa). (2)

[17]

IMITLOMELO YESIGABA B: 35

ISIGABA C: IINKONDLO**UMBUZO 4: ERHOLWENI LAKONOMTJHERHELO – MS Ntuli**

- 4.1 - Kwasabalala kwarhatjheka neenqwebu,Kwasala irubhi labezimu; (1)
 - Ivumelwano-thoma. (1)
- 4.2 Ingwe yapha uNdala ukudla, yena wathatha isiqunto sokobana ayitjele ifihlo yamaNzunza. (2)
- 4.3 - Isithiyeleli/Isezura. (1)
 - Isenzamuntu. (1)
- 4.4 Ingathekiswe nomuntu osisitha obekalwa noNzunza/Nenaba ebe lilwa noNzunza. (1)
- 4.5 Imbongi ihlathululula bona izitha ebezilwa noNzunza besele zibalekile/zifulatthele. (2)
- 4.6 Imbongi inqophe bona izitha zabulala amanye amaNzunza abegade asindile. (2)
- 4.7 Imirabhu idzimelele KwaMhlanga. (2)
- 4.8 UNdala wanikela ngamaNzunza ezitheni zaho ngombana wazihlebela bona amaNzunza azifihle erholweni lakoNomtjharello. (2)
- 4.9 Ikondlo le ikhuluma ngepi eyaba hlanga namaNzunza nezitha zaho, ivedza bona abantu bafa, izitha zaragelela uNdala zamupha ukudla bona azitjengise lapha amanye amaNzuna azifihle khona.
 (Umfundi angayibeka ngeyakhe indlela ezwakalako izakwamukelwa). (2)
- [17]

UMBUZO 5 : UYANGEN' UMLOBOKAZI – MS Ntuli

- 5.1 Linwabu nogubudu. (2)
- 5.2 - Bathi; akayikuwubona.
 Nang' umlobokaz' angena! (1)
 - Ivumelwano-phetha. (1)
- 5.3 - Amadoda kufanele aphume neenhlangu athambe.
 - Amadoda kufanele ahlabe uMafunazoke/ikomo kababa. (2)
- 5.4 A. Unyanyatha njengenwabu. (1)
 B. Ugeje ngezikanokutjho. (1)
- 5.5 A. Isifaniso. (1)
 B. Isithiyeleli. (1)

- 5.6 Mlarezo wokobana njengombana umakoti afikile, nje unosokana angalwi naye. (2)
- 5.7
 - LIQINISO ngombana imbongi imbiza ngomlobokazi.
 - Imbongi iveze umlobokazi angena anyanyatha njengenwabu nekuyindlela umlobokazi akhamba ngayo ngesiko lamaNdebele.
 - Imbongi iveze umlobokazi agubuzele ngengubo njengogubudu, nekuyindlela umlobokazi amabatha ngayo ngesiko lamaNdebele.
(Zimbili iimpendulo kezingehla). (2)
- 5.8 Umlobokazi nange angangena nelimu lakanomaphelaphelana uzokulwisa umndeni ugcine ungasazwani ngombana uzokuthutha iindaba zekhakwakhe azitjele abanye abantu. (2)
- 5.9 Ekondlwensi engehla le kuvele ummoya wokuthaba, imbongi ithatjiswe kungena komlobokazi, iyakwakwazela ifuna namadoda athambe amukele umlobokazi lo. Ngendlela ethabe ngayo ibiza umlobokazi ngegugu lomuzi ibuye ithi uyikwekwezi ekhanya njengelanga. (2)
[18]

IMITLOMELO YESIGABA C: 35
INANI LOKE: 70